

## Universitätsbibliothek Paderborn

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Archiepiscopo Magvntino, Episcopo Cameracensi, & Scholastico sancti  
Gereonis Coloniensis.

**urn:nbn:de:hbz:466:1-20006**

noluit totiens iterata. Ideoque volumus & mandamus ut has litteras in omnium legi praesentia faciat, & exhortemini clericum ac populum diligenter ne permittant ut Ecclesia Coloniensis & civitas, quæ inter universas Ecclesiæ & civitates regni Theutonici tam gloria quam magnificientia est sublimis, enormiter confundatur. Ceterum si dictus Archiepiscopus maluerit nostris obedire mandatis quam in hujusmodi contumacia perdurare, ipsum de nostra reddatis gratia certiore, ex parte nostra firmiter promittentes eidem quod ad honorem suum pariter & profectum taliter dante Domino intendemus quod de nostra poterit gratia merito glorificari. Vnde ut nostrum sibi sentiat patrocinium aliquatenus non deesse, si forte contra dilectum filium nobilem virum Henricum Comitem Palatinum præfati Regis germanum querelam interferit coram vobis, vos auctoritate nostra suffulti quod justum fuerit appellatione postposita decernatis, & faciatis quod decreveritis per censuram ecclesiasticam firmiter observari, Quod si non omnes &c. duo vestrum. Datum Romæ apud sanctum Petrum i v. Kal. Novemb.

## AQVILEGENSI PATRIARCHÆ.

Epist. 114.

**C**VM in susceptione pallei præstiturus sis corporaliter juramentum quod nobis & successoribus nostris & Ecclesiæ Romanæ fidelis & obediens semper existes, fraternitatim tuæ per apostolica scripta mandamus & in virtute obedientiae districte præcipimus quod post hujusmodi juramentum exhibitum & receptum patientes litteras tuo sigillo munitas apostolatui nostro transmittas, in quibus profitearis aperte quod ex debito præstiti juramentum tam super imperij Romani negotio quam etiam super aliis nobis secundum Deum obediere teneris; ut ij qui tam in Theutonia quam in Italia similem nobis professionem fecerunt, aut is qui pro eo quod talen facere noluit, meruit ab officio pontificali suspensi, non debeant contra nos scrupulofo corde moveri tamquam apud nos sit acceptio personarum, aut in manu nostra pondus & pondus quasi statera dolosa constat. Alioquin properter inobedientiae culpam, quæ secundum Prophetam idolatriæ comparatur, ut de reatu perjurij taceamus, nisi feceris quod præcipimus infra mensem, ex tunc usum pallei tibi noveris auctoritate apostolica interdictum.

## SALZBURGENSI ARCHIEPISCOPO.

Epist. 115.

**F**RUSTRA jacit rete ante oculos pennatum, & durum est cuique contra stimulum calcittare. Nos enim sathanæ non ignoramus astutias, & prompti sumus inobedientiam omnem ulcisci. Dominus ergo sit nobis adjutor, non timebimus quid faciat nobis homo. Maledictus enim homo qui confidit in homine, aut qui carnem brachium suum ponit. Væ autem ingredienti terram duabus viis, quia nemo potest duobus dominis servire. Monemus igitur fraternitatem tuam & exhortamur attenuius, per apostolica tibi scripta mandantes quatenus sacrosanctam Romanam Ecclesiam matrem tuam de corde puro & conscientia bona & fide non facta studeas venerari, pro certo cog-

noscens quod is qui supra se petram suam edificavit Ecclesiam non permettit ut portæ inferti prævaleant contra eam iuxta quod ipse testatur: Descendit pluvia, venerunt flumina, flaverunt venti, & irruerunt in domum illam, & non cecidit. Erat enim supra petram fundata. Quia vero semper diligit qui amicus est, & frater in necessitate probatur, tu, amabilis frater, tamquam aurum in fornace te proba; quamvis fornax nondum septuplum quæ succendi consueverat sit succensa, sed in proximo fulgura sint in pluviam convertenda. Datum Romæ apud sanctum Petrum v i. Idus Maij.

ARCHIEPISCOPO MAGNTINO,  
Episcopo Cameracense, & Scholastico sancti  
Geronis Coloniensis.

**V**T Adolphus Colonensis Archiepiscopus incidat in foveam quam paravit & intret ipsius gladius in cor ejus, pertinax ipsius inobedientia, perjurium iteratum, & proditio divulgata depositum. Ipse etenim nec Deum timens, nec reveritus hominem, nec Colonensis Ecclesiæ dignitatem attendens, in offenditam Dei, Ecclesia Romanæ contemptum, & sedis sua dispendum a se obedientiæ jugum excusit, juramentum semel & iterum præstitum violavit, & eum prodidit quem crearat. Sanè cum olim carissimum in Christo filium nostrum illum Regem Ottomem in Romanorum Imperatorem electum coronasset in Regem, & fidelitatis ei præstisset juramentum, apud nos multipliciter instituit ut eidem Regi favorent apostolicum impendentes, ratum quod ipse fecerat haberemus. Cumque multiplicatis intercessionibus obtinuissest a nobis ut in favorem Regis ipsius deferemus Ecclesiæ Colonensis honori, cœpit postmodum in ejus devotione tepescere; ac manum suam ab aratro retrahens, occasiones frivolas invenerit ne quod plantaverat irrigaret; quatenus citò aresceret planta ejus, cum sollicitudinem suam manus ei subtraheret plantatoris. Verum quia neque qui plantat neque qui rigat est aliquid, sed qui incrementum dat Deus, invaluit nihilominus per Dei gratiam novus palmaries; & cum jam extenderet ramos suos & uberioris pullularet, vidit plantator invidus & invidit, & quodammodo in ejus excidium conjuravit. Quia vero nihil est occultum quod non reveletur & absconditum quod non sciat, sed testimonium veritatis, non potuit occultare diutius virus suum; quia nequam intentem iniqua operatio revelavit, & arbor agnita est in fructu. Commonitus igitur & conventus iterum præstitit juramentum quod eundem Regem nunquam desereret nec in partem aliam declinaret; sed nec juramentum stabilire potuit mentem illam, quæ innata levitatis vitio fluctuabat. Nos autem, licet non de facili crederemus quod vir tanta præditus dignitate sic esset adversarius sibi ipsi ut quod fecerat intenderet annullare, ne quid tamen sollicitudinem nostram decesset, ad constantiam eum excitare volentes, & monitis & minis institutis apud ipsum & sub quanta ei potuimus distinctione præcepimus ut in ejusdem Regis fidelitate persisteret & ad promotionem ipsius

Epist. 116.  
Arnoldus Lu-  
bec. lib. 7. cap.  
3.

efficaciter aspiraret, cavens sollicitè ne male-dictionem pro benedictione recipere si illius nobis tam turpiter probaretur. Ipse verò non attendens quod sicut obedientia victimis antefertur, sic inobedientia idolatriæ comparatur, obedientiæ lora disrupta, inobedientiæ vitium non vitavit, sed contra præceptum nostrum & proprium iuramentum, corruptus pecunia, sicut fertur, dominum suum temerarius prodidit, & conversus in arcum perversum, nobili viro Philippo Duci Suevæ contra eum impudenter adhærit; ac ne quid ejus præsumptioni deesset, & ne culpa ejus aliquo possit velamine palliari, nuper Aquilgrani, ubi præfatum Regem solemniter coronaverat, memoratum Ducem publicè coronavit, quamvis excommunicationis sententiam incurrisset, quam in Ecclesia beati Petri Colonensis coram multitudine copiosa, ipso præsente ac gerente sacerdotalem stolam in collo & candelam accensam in manu, venerabilis frater noster Guillelmus Remensis Archiepiscopus, tunc Episcopus Prænestinus, apostolica sedis Legatus, promulgaverat in eos qui à præfato Rego recedenter & parti alterius adhærerent. Ut igitur Colonenses, qui noluerunt in malo caput languidum imitari, sed in ejusdem Regis fidelitate persistenterunt firmiùs & persistunt, expurgato fermento veteri, quod voluit corrumpere totam massam, sine nova conspersio, sicut sunt azymi nihil corruptionis habentes, cum juxta canonicas sanctiones accusatione non egeant manifesta. Vnde nos, ejus exemplo qui absens corpore, præsens autem spiritu, Corinthium damnavit absensem, potuissemus in eum sententiam promulgare, ad majorem tamen cautelam de confilio fratrum nostrorum & tam Episcoporum quam aliorum plurium Prælatorum discretionis vestre per apostolica scripta mandamus & districte præcipimus quatenus cùm apud vos sint ista luce clarii manifesta, dictum Archiepiscopum pulsatis campanis, & candelis accensi, singulis diebus dominicis & festis excommunicatum publicè nuntieris & faciat per omnes Colonenses Ecclesias & vicinas dioceces sub solemnitate simili nuntiari, suffraganeos & omnes vassallos Colonensis Ecclesie tam clericos quam laicos absolutos ab ejus obedientiis nuntiantes. Quia verò si tantum scelus remaneret inultum, quis de certe posset impune inobedientiæ vitium, perjurii crimen, & proditionis facinus perpetrare, sub eadem vobis distinctione præcipimus quatenus cùm haec in illo nulla possint tergiversatione celari, vos cum auctoritate nostra suffici à pontificali officio, sublatu cujuslibet contradictionis & appellationis obstaculo, deponatis, nisi forsan infra mensem post factam sibi denuntiationem à vobis ad sedem apostolicam personaliter accesserit judicandus; his ad quos jus electionis noveritis pertinere auctoritate apostolica injungentes ut personam idoneam, que tanto congruat oneri & honori, canonice ac concorditer sibi eligant in pastorem. Quod si electionem continget aliqua forte, quod absit, occasione differri, ne bona Colonensis Ecclesie possint interim deperire, alicui perso-

ne honesta, providæ, ac potenti committatis administrationem ipsius. Quia verò ejusdem Ecclesiæ tanto amplius zelamus honorem quanto clerum & populum ejus devotiores & firmiores sumus experti, ne unitatem ejus aliqua scissura corruptat, si forsan ij ad quos spectat electio non potuerint convenire, præcipiat eisdem ut in aliquos viros idoneos conferant vota sua; qui ad sedem apostolicam accedentes, cum consilio nostro, qui ad eorum concordiam faciente Domino dabimus operam efficacem, personam idoneam sibi elegant in Prælatum. Quod si non omnes &c. Datum Romæ 111. Idus Martij, pontificatus nostri anno octavo.

PRIORIBVS ET VNIVERSO CLERO  
& populo Colonensiis.

Epist. 1171  
**S**inceritati devotionis & fidei quam ad carissimum in Christo filium nostrum illustrem Regem Ottonem in Romanorum Imperatorem electum immo nos in eo habuimus haec tenus & habetis in Domino congaudemus, & constantiam vestram prosequimur actionibus gratiarum; qui semper in eodem proposito persisterentes, non novitis etiam vacillante capite vacillare. Potuisse quidem in aliis propheticum formidari: *Omne caput languidum, & omne cor mœrens, a planta pedis usque ad verticem non est in eo sanitas.* Sed vos attentes quod caput vestrum transferebatur in candam, noluitis caudæ sequi mobilem levitatem, sed stabiles & immobiles permanistis. Voluerat quidem vetus illud fermentum inficere totam massam & vir unius confundere tam sublimem Ecclesiam & infamare tam nobilem civitatem; sed vos ejus facis immunes, azymi permansistis, nec conspersio vestra nova virus antiquæ fraudis admisit. Participavit forsan homo ille iniquitatis, Archiepiscopus vester, aliquibus vestrum suæ proditionis confilium, & perditionis propriæ propositum revelavit; sed in consensem ejus non venit anima vestra, nec potuit perfidia suæ pice vas inquinare sincerum, quia serpentis prudentiam, que in evangelio commendatur, vox pulsat in vacuum incantans. Licet autem nec divinæ reverentia majestatis, nec apostolica sedis auctoritas, nec religio juramenti tetigerit mentem ejus, utinam tamen dignitas Colonensis Ecclesie ac immunitas civitatis ab hisupmodi eum proposito revocasset, ne vilem faceret in electione Principis eandem Ecclesiam, qua inter alias fuerat haec tenus gloria, & ne derogare juri suo immo ejusdem Ecclesie videretur, si quod ad tuendam dignitatem ejus prius providè fecerat proprio jure usus, in eis tandem injuriam improvidè condemnaret. Verum quia nihil satis festinatur animo cupienti, nec animus cupidi satiatur, nihil sibi sufficere reputans nisi pecuniam biberet quam avidè sibi tebat, contra mandatum nostrum sepius iteratum & juramentum proprium primò præstum & postea innovatum in infamiam vestram, quantum fuerat in eodem, & Colonensis Ecclesie detrimentum obedientiæ jugo deposito, dominum suum temerè prodidit, & adversario ejus impudenter adhærens, ne crimen ejus ulla possit tergiversatione celari; cum apud

B B b b. ij

Vide Godefrid. monach.  
S. Pantaleonis  
ad an. 1203.

Tom. I.